



# 7

## ქართული ლიტერატურა

მოსწავლის წიგნი

მაია მენაბდე  
ელისო ნიჟარაძე  
ბაკურ სულაკაური  
თეა ქიტოშვილი

გრიფინიჭებულია საქართველოს განათლების, მეცნიერების,  
კულტურისა და სპორტის სამინისტროს მიერ 2019 წელს.



სულაკაურის  
ბაიოცენტრი

#### თავი 1 ბავშვები სკოლაში

##### ტექსტები

გიმნაზიაში. . . . .	.10
<i>აკაკი წერეთელი</i>	
ჩემი გავშვობის სკოლა. . . . .	.16
<i>რევაზ ინანიშვილი</i>	
ასალი მოსწავლე. . . . .	.20
<i>ჯემალ ქარჩხაძე</i>	
გამოუსწორებელი ლაქლაქა. . . . .	.23
<i>ანე ფრანკი</i>	
ავტობიოგრაფია. . . . .	.27
<i>ილია ჭავჭავაძე</i>	
ორი წერილი მასწავლებლებს. . . . .	.31

##### თეორია

ავტორი, მთხრობელი, პერსონაჟი. . . . .	15
თხრობა, აღწერა, მსჯელობა. . . . .	19
დღიური. . . . .	25
ავტობიოგრაფია და ავტობიოგრაფიული ნაწარმოები. . . . .	30
სივი CV. . . . .	30
წერილი. . . . .	33
იმეილი ანუ ელექტრონული წერილი. . . . .	34

#### თავი 2 ოჯახური გარემო

##### ტექსტები

ვანო. . . . .	.38
<i>რევაზ ინანიშვილი</i>	
ვინა თქვა ჩვენზე, ვინ როდ არიან... . . . .	.42
<i>შოთა ნიშნიანიძე</i>	
ერთ მშვენიერ დღეს. . . . .	.44
<i>შადიმან შამანაძე</i>	
ვაჟა-ფშაველას ოჯახი. . . . .	.51
<i>აკა მორჩილაძე</i>	
მთის გადაღმა. . . . .	.54
<i>გურამ დოჩანაშვილი</i>	

##### თეორია

ავტორის გამონაგონი ანუ მხატვრული ნაწარმოები. . . . .	41
პროზა, პოეზია და დრამატურგია. . . . .	43
პროზაული ტექსტები. . . . .	43
პიესები ანუ დრამატული ნაწარმოებები. . . . .	48

#### თავი 3 წიგნი

##### ტექსტები

სურათებიანი წიგნი. . . . .	.66
<i>რეზო ჭეიშვილი</i>	
ლოჭინი. . . . .	.70
<i>რევაზ ინანიშვილი</i>	
შემთხვევა ლოჭინი. . . . .	.72
<i>ნანყვეტი დავით აღმაშენებლის ისტორიკოსის წიგნიდან</i>	
წიგნების გასაყიდად წასვლა. . . . .	.75
<i>ზაალ სამადაშვილი</i>	
რისთვის სჭირდებათ გავშვებს წიგნები? . . . . .	.80
<i>ასტრიდ ლინდგრენი</i>	

##### თეორია

წიგნები ძველად. . . . .	69
ელექტრონული წიგნები და რიდერები. . . . .	74
პუბლიცისტური წერილი. . . . .	82
საინფორმაციო ცნობა. . . . .	83
რეკლამა და წიგნის ანოტაცია. . . . .	84
ელექტრონული წიგნების მაღაზია. . . . .	85
ვიკიპედია და ონლაინ-წიგნები. . . . .	85

### თავი 4 ძველი და ახალი დროის გმირები

#### ტექსტები

დავითი და გოლიათი . . . . .	90
<i>ბიბლია, პირველი მეფეთა, თავი XVII</i>	
ოდიხისი და ციკლოპი . . . . .	94
<i>ჰომეროსი, „ოდიხეა“, თავი IX</i>	
ვასტანგ გორგასალი . . . . .	102
<i>ვასტანგ ჭელიძე</i>	
ნახვა არაბთა მფინსაგან მის ყმისა	
ვაფსისტყაოსნისა . . . . .	110
ხატმენის და ჯოკარის ორთაბრძოლა . . . . .	116
<i>ფრენკ მილერი</i>	

#### თეორია

შედარება . . . . .	100
მეტაფორა . . . . .	100
ბიბლია . . . . .	101
„ილიადა“ და „ოდიხეა“ . . . . .	101
ეპითეტი . . . . .	107
შოთა რუსთაველი და „ვეფხისტყაოსანი“ . . . . .	108
კომიქსი ანუ გრაფიკული რომანი . . . . .	118

### თავი 5 ძველი თბილისი

#### ტექსტები

მონარხული ჩარჩი . . . . .	122
<i>ლავრენტი არდაზიანი</i>	
მომზაურის თვალთ . . . . .	126
<i>ალექსანდრე დიუმა</i>	
ცხოვრება აველ თბილისში . . . . .	129
<i>აკა მორჩილაძე</i>	
ხანძარი ოპერაში . . . . .	134
<i>დათო ტურაშვილი</i>	
გამოთხოვება აველ თბილისთან . . . . .	138
<i>იოსებ გრიშაშვილი</i>	
ღიშმა თბილისის ოპერაში მიღის . . . . .	141

#### თეორია

ტექსტის ელემენტები . . . . .	140
სათაური . . . . .	140
ეპიგრაფი . . . . .	140
სქოლიო . . . . .	140
თავებად დაყოფა . . . . .	140

## თავი 6 მეელი არ მოშლის მელობასა, არწივი – არწივობასა...

### ტექსტები

იცნობდეთ, მგალი. . . . .	.146
<i>იასონ ბადრიძე</i>	
მთის არწივი . . . . .	.148
გაგარი მგალი . . . . .	.150
<i>ნუგ ზარ შატაიძე</i>	
მგლის მოკვლა . . . . .	.153
<i>რევაზ ინანიშვილი</i>	
ლოგო . . . . .	.156
<i>ერნესტ სეტონ-თომპსონი</i>	
გიგია გუგუნაშურის ქმადნაწიცი . . . . .	.161
<i>გოდერძი ჩოხელი</i>	
არწივი და გველი . . . . .	.167
<i>შუამდინარული მითოლოგიიდან</i>	

### თეორია

რამდენიმე შესაძლო მიდგომა . . . . .	.159
სამეცნიერო ნაწარმოები . . . . .	.159
მხატვრული ნაწარმოები . . . . .	.159
მრავალგვარი თვალსაზრისი . . . . .	.160
სხვადასხვა თვალსაზრისის შეჯერება . . . . .	.160
სუბიექტურობა მხატვრულ	
ლიტერატურაში . . . . .	.170
ენციკლოპედია და განმარტებითი	
ლექსიკონი . . . . .	.170

## თავი 7 ადამიანი ბუნების სურათებში (განსხვავებული პოეზია)

### ტექსტები

გრაფიკული ლექსები . . . . .	.174
ხუთი ჰაიკუ . . . . .	.176
ყარყატი . . . . .	.179
<i>ბესიკ ხარანაული</i>	
მცირე ელგია მამისათვის . . . . .	.180
<i>ზვიად რატიანი</i>	

### თეორია

ლექსი . . . . .	.178
სტროფი და სტრიქონი . . . . .	.178
გრაფიკული ლექსები ანუ კალიგრამები . . . . .	.178
ვერლიბრი . . . . .	.178
რატომ წერს პოეტი ლექსს? . . . . .	.181
შთაბეჭდილება . . . . .	.181
გრძნობა . . . . .	.181
პათოსი . . . . .	.181
სალექსო საზომი და რიტმი . . . . .	.182
რიტმა . . . . .	.182

**თავი 8** ადამიანის ადგილი სამყაროში

**ტექსტები**

ბარქული მითი . . . . .	.188
ინდური მითი . . . . .	.189
თქმულება პრომეთეა . . . . .	.191
<i>ბერძნული მითოლოგიის მიხედვით</i>	
ამირანი . . . . .	.194
<i>ნაწყვეტი აკაკი წერეთლის პოემიდან</i> <i>„თორნიკე ერისთავი“</i>	
კოპალა . . . . .	.196
<i>ქართული თქმულებებიდან</i>	
კოპალა და იასხარი . . . . .	.199
მინდია . . . . .	.203
<i>ვაჟა-ფშაველა</i>	
მირიან მაჟის ნადირობა . . . . .	.208
<i>ნაწყვეტი საისტორიო თხზულებებიდან</i> <i>„მოქცევაი ქართლისაი“</i>	

**თეორია**

მითები . . . . .	195
ლეგენდა ანუ თქმულება . . . . .	195
ჰიპერბოლა . . . . .	202
ფაბულა . . . . .	207
სიუჟეტი . . . . .	207

**თავი 9** კონფლიქტი და ზნეობრივი არჩევანი

**ტექსტები**

შახვაღრა მანგვი . . . . .	.214
<i>ალექსანდრე დიუმა</i>	
დუქანში . . . . .	.218
<i>ჭაბუა ამირეჯიბი</i>	
გიჟია, თუ რა? . . . . .	.221
<i>ილია ჭავჭავაძე</i>	
ჩირიკი და ჩიკოტალა . . . . .	.226
<i>გიორგი ლეონიძე</i>	
ტომის ჩხუბი . . . . .	.233
<i>მარკ ტვენი</i>	

**თეორია**

პერსონაჟის პორტრეტი . . . . .	237
პერსონაჟის ხასიათი . . . . .	238
კონფლიქტი . . . . .	238



# პირველი ნაწილი ადამიანი და სამყარო მის ირგვლივ

## თავი 1

ბავშვები  
სკოლაში



8 . . . 10 . . . 16 . . . 20 . . . 23 . . . 27 . . .



## თავი 2

ოჯახური  
გარემო



36 . . . 38 . . . 42 . . . 44 . . . 51 . . . 54 . . .



## თავი 3

წიგნი



64 . . . 66 . . . 70 . . . 75 . . . 80 . . .



სხვადასხვა ქვეყანაში, მათ შორის საქართველოშიც, განათლების მისაღებად ბავშვები სკოლებში დადიან. ძველად სკოლები ცოტა განსხვავებული იყო, ვიდრე ახლაა. ზოგ ქვეყანაში ახლაც შეხვდები უცნაურ სკოლებს, თუმცა ყოველთვის და ყველა სკოლაში არიან მოსწავლეები და მასწავლებლები.

## საკლასო ოთახების გარეშე

დანის ამ სკოლაში, სადაც 358 უფროსკლასელი სწავლობს, არ არის საკლასო ოთახები. მთელი შენობა ერთი დიდი სივრცეა, სადაც გაკვეთილები სხვადასხვა ადგილას ტარდება.



## სკოლა ვაგონში

ადიგენში, სოფელ კიკიბოში, რომელიც ერთ-ერთი ყველაზე მაღალმთიანი და მიუვალი სოფელია, გაკვეთილებს რკინის ვაგონში ატარებენ. იქ არც შუქი აქვთ და არც წყალი.

## ამ შეისწავლი...

ამ თავში ერთმანეთისაგან განსხვავებული, სხვადასხვა დროს, სხვადასხვა ავტორის მიერ შექმნილი ტექსტებია. თუმცა ყველა მათგანი სკოლასა და სწავლას ეხება. ამ ნაწარმოებების გაცნობის პარალელურად შენ შეისწავლი, როგორ განასხვავო ერთმანეთისაგან:

- ავტორი, მთხრობელი, პერსონაჟი
- თხრობა, აღწერა, მსჯელობა
- ავტობიოგრაფია და სივი (CV)
- ჩვეულებრივი და ელექტრონული წერილი



### სკოლა ხიდის ქვეშ

ინდოეთში ზოგიერთ სკოლას საკუთარი შენობა არა აქვს და იმისათვის, რომ წვიმის დროს სწავლა არ შეწყდეს, გაკვეთილები ხიდის ქვეშ ტარდება.



### სწავლა ქალაქის გარეშე

ამერიკის ამ სკოლაში არ გამოიყენება არც წიგნები და არც ქალაქი. მოსწავლეები ყველაფერს ლეპტოპებში ასრულებენ.



### სკოლა გამოქვაბულში

იმის გამო, რომ შენობა არ ჰქონდათ, ჩინეთის ამ პატარა სოფელში დაწყებითი სკოლა გამოქვაბულში მოაწყვეს.

## ტექსტები

**გიმნაზიაში** . . . . . 10  
აკაკი წერეთელი

**ჩემი ბავშვობის სკოლა** . . . . . 16  
რევაზ ინანიშვილი

**ახალი მოსწავლე** . . . . . 20  
ჯემალ ქარჩხაძე

**გამოუსწორებელი ლაქლაქა** . . . . . 23  
ანე ფრანკი

**ავტობიოგრაფია** . . . . . 27  
ილია ჭავჭავაძე

**ორი წერილი მასწავლებლებს** . 31





### აკაკი ნერეთელი (1840-1915)

აკაკი ნერეთელი მე-19 საუკუნეში ყველაზე ცნობილი პოეტი იყო საქართველოში. ბევრი იმდროინდელი სიმღერა სწორედ მისი პოპულარული ლექსების მიხედვით შეიქმნა. ლექსების და პოემების გარდა აკაკი მოთხრობებსაც წერდა. ცნობილია მისი ვრცელი მოთხრობა „ბაში-აჩუკი“, რომელიც მერე ფილმადაც გადაიღეს. გარდა იმისა, რომ განთქმული მწერალი იყო, აკაკის პოპულარობას განაპირობებდა ძალიან მახვილი ენა და იუმორის განსაკუთრებული გრძნობა. აკაკის ხუმრობები ცალკე წიგნადაც კია გამოცემული, სათაურით „აკაკის ნაკვესები“. აი, ორი ნაკვესი:

„ერთმა პედაგოგმა, რომელიც პოეტობასაც ჩემობდა, ახლო სოფელში მიმავალ აკაკის ერთი კვიმატიანი ცხენი ათხოვა და თანაც ლექსების რვეული გაატანა: თუ მოგეწყინოს, ამაღამ ეს გადაიკითხეო. მეორე დღეს ჰკითხა უკან დაბრუნებულ აკაკის:

- როგორ იმგზავრე? ღამე როგორ გაატარე?
- რა უნდა გითხრა, ძმაო, დღე შენმა ცხენმა დამტანჯა და ღამე – ლექსებმა, – მიუგო პოეტმა.“

„ერთმა ახალგაზრდა ქართველმა ინჟინერმა ხუმრობით ჰკითხა ნაავადმყოფარ აკაკის: ასე მალე როგორ დაბრუნდი საიქიოდანო?

- შენი გაკეთებული გზა რომ ყოფილიყო, დღესაც იქ ვიქნებოდით, – მოუჭრა სიტყვა აკაკიმ.“

დღეს მრავალ ქვეყანაში, მათ შორის საქართველოშიც, ბავშვის ფიზიკური დასჯა აკრძალულია კანონით, მაგრამ ძველად მიაჩნდათ, რომ ბავშვის აღზრდისას მისი გამოყენება სასარგებლო იყო. ფიზიკურად სჯიდნენ მოსწავლეს არა მხოლოდ ცუდი ქცევისას, არამედ მაშინაც, როდესაც დავალებას ცუდად შეასრულებდა.

- ◆ იმსჯელე, რა შედეგები შეიძლება მოჰყოლოდა ამგვარ მიდგომას?
- ◆ შენი აზრით, რატომ აკრძალეს მოგვიანებით ფიზიკური დასჯა?

## გიმნაზიაში

### ატუზული

მორიდებით მდგომი

### ამოსალევი

მარცვლები

ცხრილები, რომლებითაც ავარჯიშებდნენ მოსწავლეებს კითხვაში

### უსცხუნავდა

მაგრად ურტყამდა

### გულს აყრავოდა

გული მისდიოდა, გონებას კარგავდა

### ხუსტური

ძველ ქართულ დამწერლობათა (ასომთავრულისა და ნუსხურის) საერთო სახელწოდება

გიმნაზიაში რომ შემოყვანეს, გავცეცდი: იმდენი ბავშვი, ერთად თავმოყრილი, ჩემს დღეში არ მენახა. მოზრდილები სკამზე იჯდნენ სულგანაბული და ახალმოსწავლე პატარები კი ჯგუფ-ჯგუფად კედლებთან იყვნენ **ატუზული**. აქ კედელზე ირგვლივ ქალაქის ფიცრები იყო ჩამოკიდებული, ზედ ანბანი და **ამოსალევი** ეწერა და იმას აკითხებდნენ ყმანვილებს. ჯგუფს ერთი უფროსი ჰყავდა და ის ასწავლიდა: ხელში ეჭირა ნკეპლა და, შეეშლებოდა თუ არა ბავშვს კითხვა, **უსცხუნებდა** და **უსცხუნებდა**. ერთი ადგილიდან მეორეზე გადადიოდნენ და, როცა შემოუვლიდნენ კედლებს, მერე კი ნება ჰქონდათ სხვებთან დამჯდარიყვნენ ისინიც სკამზე. ამ ყოფაში იყვენ, სანამ კითხვას ისწავლიდნენ. უნდებოდნენ ზოგჯერ წელიწადზე მეტს. წარმოიდგინეთ 7-8 წლის ბავშვი დილის შვიდი საათიდან ნაშუადღევის ორ საათამდე მშვიდ-მწყურვალად, და მაშინ იგრძნობთ, თუ რა ტანჯვაში იყვენ ის სანყლები. ზოგს **გულს** **ყურებოდა**, ზოგს თავბრუ ეხვეოდა და ეცემოდნენ ძირს, მაგრამ ყურადღებასაც არავინ აქცევდა.

შესვლისთანავე პირველ კედელთან დამაყენეს „ანბან“-ზე, მაგრამ, რადგანაც მე **ხუსტური** ვიცოდი, მხედრული წერა-კითხვა შესწავლილი მქონდა და რუსულ ამოსალეპშიაც გატეხილი მქონდა თვა-

ეს არის კადრი რეჟისორ კ. პიპინაშვილის ფილმიდან „აკაკის აკვანი“. ფილმი 1947 წელსაა გადაღებული და აკაკის ცხოვრების შესახებ მოგვითხრობს. მას საფუძვლად უდევს აკაკის ნაწარმოებები, მათ შორის „ჩემი თავგადასავალი“.



### ლინიკა

(რუსული) სახაზავი

### შორს დაიჭირა

ცივი უარი თქვა

- 20 ლი დედიჩემის წყალობით, ერთ დღეს შემოვირბინე ყველა კედლები. მასწავლებელმა თავზე ხელი გადამისვა, მომიწონა და უფროსებთან დამსვა სკამზე. კითხვით კარგად ვკითხულობდი, მაგრამ ჩემი უბედურება ის იყო, რომ რუსული არ მესმოდა. იმ დროს შემოღებული იყო საზოგადოდ თუნუქის ფირფიტა, რომელ-
- 25 საც „მარკას“ ეძახდენ. ვინც ქართულად ხმას ამოიღებდა, მიაჩნებდენ ხელში და თანაც გრძელ ფიცარს, სახაზავს დაჰკრავდენ ხელის გულზე. მერე ის უნდა ცდილიყო, რომ სხვისთვის გადაეცა როგორმე იმრიგადვე, ე. ი. ჩაბარების დროს „ლინიკა“ დაერთყვია ხელის გულზე. ამგვარად ეს საცოდაობის ფირფიტა გადადიოდა
- 30 ხელიდან ხელში. სწავლის გათავების დროს ვინც ვერ მოასწრებდა იმ ფირფიტის თავიდან მოშორებას და შერჩებოდა ხელში, უნდა კლასში დარჩენილიყო მთელი დღით უსადილოდ. ვინც რუსული არ იცოდა ახალშემოსულობის დროს, ხმის ამოღებას ვერ ბედავდენ და მუნჯდებოდენ. ამ ჩვეულებას დიდი გამრყენელი ხასიათი ჰქონდა:
- 35 ყმანვილები ცდილობდენ, რომ ერთმანეთი მოეტყუებიათ, გაებრიყვებიათ როგორმე და ცბიერობა-ფარისევლობას ეჩვეოდენ.
- სულ ერთი კვირის შესული არ ვიყავი, რომ მოვიდა ჩემთან ერთი პატარა ყმანვილი, ანგელოზის სახის მქონე, და ტკბილის ღიმილით, მეგობრულად მკითხა რაღაც ქართულად; მეც, რა-
- 40 საკვირველია, რადგანაც სხვა ენა არ ვიცოდი, ქართულად ვუპასუხე. ყმანვილს მშვიდობიანი სახე გადაუსხვაფერდა და სიხარულით მომაჩეჩა ფირფიტა. ჩამოვართვი, მეტი რაღა გზა მქონდა, მაგრამ „ლინიკაზე“ ვერ დავეთანხმე. „რა გენაღვლება შენ, მე რომ „ლინიკა“ არ დავირტყა, მარტო ვართ და ვინ გაიგებს-
- 45 მეთქი“, – ვეხვეწებოდი. ჩემმა მოწინააღმდეგემ **შორს დაიჭირა:** „მე თუ დამარტყეს, შენ რა ჭრელი პეპელა ხარო?!“ მე მაინც არ დავეთანხმე, გავუძალდი და იმანაც ჭუჭყუნი დაიწყო. მასწავლებელი რომ შემოვიდა, მივიდა და დამაბეზლა. დამიძახეს, გავედი შიშით და კანკალით. მასწავლებელმა წარბები შეიკრა და მკითხა:
- 50 „როგორ ბედავ ურჩობასო? აქ შენი სახლი ხომ არ გგონიაო!“ მე

**სტორიები**

(რუსული) დარაჯი

**როზი**

ახლად მოჭრილი,  
ნეფლი ნკეპლა

**ჩამომეთხოვე**

დამანებეს თავი

**მაზრა**

ადმინისტრაციულ-  
ტერიტორიული  
ერთეული ძველ რუ-  
სეთში, დაახლოებით  
რაიონის მსგავსი

**ყოველიფერი**

(კუთხური) ყვე-  
ლაფერი

**ინსპექტორი**

პირი, ვინც მეთ-  
ვალყურეობს,  
აკონტროლებს  
დანესებულების,  
ორგანიზაციის  
საქმიანობას

**როტა**

ჯარისკაცების  
ასეული რუსეთის  
არმიაში

**დასნეულეპულა**

დაავადებულა

თავის გამართლება დავინყე, მაგრამ აღარ გამივიდა! „კარგი, მე გასწავლი ჭკუასო!“ დაუძახა „სტორიებს“ და უბრძანა: „**როზ-გიო!**“ მე, ამის გამგონეს, თავში სისხლი ამივარდა და გაქცევა დავაპირე. „ნუ გაუშვებთ, დაიჭირეთო!“ – იყვირა მასწავლებელმა.

55 იგრიალეს მოსწავლეებმა ჩემ დასაჭერად და გადამეღობენ კარებზე... მე მეორე ოთახში შევევარდი, სადაც მესამე კლასი იყო. აქაც ერთი ალიაქოთი მოვახდინე, მაგრამ შევხტი ფანჯარაზე, გავამტვრიე მინები, გადავხტი და მოვკურცხლე შინისაკენ. გამომიდგენ „სტორიები“. წინ მე გავრბოდი კურდღელივით და უკან ისინი

60 მომდევდენ კიჟინით. გულგახეთქილი შევიჭერ შინ. დედ-მამამ რომ გაიგეს, რაც მოხდა, შეწუხდენ და ბევრიც მირჩიეს: „წადი, რა ვუყოთ, გაგროზგონ, ეგ მარტო შენ თავზე ხომ არ არის – ყველას როზგავენო. მოითმინე, მოიჭირვე, მიეჩვიე და ბოლოს კაცი გამოსვალო; მაგათში უმისოდ არ შეიძლებაო!“ მაგრამ მე შორს

65 დავიჭირე და გამოტეხილად ვუთხარი დედას: – „თუ კიდევ გაგიგზავნივარ იმ დასაქცევ გიმნაზიაში, თავს დავიხრჩობ-მეთქი!“ შეშინდენ და **ჩამომეთხოვენ**. ერთ კვირას აღარ წავსულვარ კლასში. იმ დროს დირექტორად კოცებუ იყო, ახალი დანიშნული. ქართული **მაზრის** უფროსობის დროს შეესწავლა, კარგად იცოდა და ქარ-

70 თველებიც ძალიან უყვარდა. მოვიდა ჩვენსა და გამომკითხა ყველაფერი. მეც დაუფარავად მოვახსენე, რაც გადამხდა და რასაც ვგრძნობდი. გაუკვირდა, გადააქნია თავი, მომეფერა და მითხრა: – „შენ ჩემი სახელი ახსენე და ნულარავისი გეშინიაო! ხვალ ჩემთან მოდი პირდაპირ კანცელარიაში და მე წაგიყვან კლასშიო“. მეორე

75 დღეს მართლა წამიყვანა და მიმიყვანა ჩვენს კლასში. გამოიკვლია **ყოველიფერი** და, „მარკის“ ამბავი რომ გაიგო, გაოცდა. მოიხმო **ინსპექტორი**, ზედამხედველები, მასწავლებლები და გამოუცხადა ყველას, რომ დღეიდან ეგ საქციელი აღარ ჩაიდინოთო!... მოსპეთ „მარკა“ და უმიზეზოდ ცემა-ტყეპაზედაც ხელი აიღეთო! მერე მი-

80 უბრუნდა ჩემ მასწავლებელს და უთხრა: – „განსაკუთრებით ყურადღება მიაქციე ამ ყმანვილსაო!“

მართლაც იმ დღიდან ცოდვის ფირფიტა გადააგდეს, მაგრამ ცემა-ტყეპაზე კი უცბად ვერ აიღეს ხელი. უიმისობა მაინც არ ეხერხებოდათ. ტყუილა კი არ არის ნათქვამი: „ჩვეულება რჯულზე

85 უმტკიცესიაო!“ იმ დროს მთელი რუსეთი დარწმუნებული იყო, რომ ჭკუა და სიკარგე როზგის ნაყოფიაო. გიმნაზიებშიაც, რასაკვირველია, პირველი ადგილი ეჭირა... დღე არ იქნებოდა, რომ ყმანვილების წივილ-კივილით იქაურობა არ ყოფილიყო გაყრუებული. „**როტაში**“ არ უნდებოდათ იმდენი ნკეპლა, რაც თვითეულ

90 კლასში. „სტორიებს“ ურმებით მოჰქონდათ ყოველ დღე ახალ-ახალი. მოსწავლის გალახვა ყველას შეეძლო დირექტორიდან დაწყებული, „სტორიყამდე“. მიზეზს არავინ ჰკითხულობდა. ვინ იცის, რამდენი **დასნეულეპულა**, რამდენი დამახინჯებულა, და რამდენს კიდევ ხასიათი გაფუჭებია საუკუნოდ!..

95

\*\*\*

ერთხელ, სწავლა რომ გათავდა და შეგვასვენეს, მე, რადგანაც დილას არა მეჭამა რა, შევირბინე შინ. ვიგდე ახალუხის ჯიბეში

ცხელი მჭადის კოკორი და მივაშურე ისე კლასს: არ დამაგვიანდეს-მეთქი. ტროეს გაკვეთილი იწყებოდა. ფეხად შეესწრო ჩემთვის და ხუთი მონაფე კიდეც გამოეხმო და გაემწკრივებინა. შევეყავ თავი თუ არა, მომაყვირა: – შენ, აქ მობრძანდი და დადექ ამათთანაო! მივედი და გავჩერდი. ცხელი მჭადი მომედვა ბარძაყზე და მეცხუნა. მე შმაშური დავინწყე, ხელი მოვუსვი, ასე რომ ავტოკოდი, მასწავლებელმა შემნიშნა და მკითხა: რა გემართებაო? დაფარვა აღარ შეიძლებოდა... ამოაყოფინეს ჯიბიდან მჭადს თავი... შეგირდებმა გადინარხარეს. მასწავლებელმა უღვაშებში ჩაიცინა, გამომართვა მჭადი და წინ **სტოლზე** დაიდვა. მე სირცხვილის ოფლი გადამსკდა. დაგვინყო გაკვეთილების კითხვა. ამ დროს, ჩემდა საუბედუროდ, ინსპექტორი შემოვიდა. მაშინ კი ამიკანკალდა მუხლები. ეს ისეთი შეუბრალებელი ვინმე იყო, რომ ყმანვილის „გაროზგვას“ არა ერჩია რა. სულ უბრალო მიზეზი საკმაო იყო, რომ **ოთხში ამოელო**. ერთხელ ერთსა და იმავე დროს ორი ბავშვი „გაროზგა“: ერთი იმიტომ, რომ თმა წამოგზრდიაო და, მეორეც იმიტომ, რომ მეტად ძირში მოგიჭრიაო! ვიფიქრე: „ეს მჭადი მე ხეირს არ დამაყრის-მეთქი!..“

100

105

110

115

120

125

130

135

140

მართლაც, მოჰკრა თვალი თუ არა, დაიღრიალა:  
 – ამ მჭადს რა უნდა აქ, ვინ მოიტანაო!..  
 ერთი მონაფე, რომელიც ხშირად მექიშპებოდა ხოლმე, წამოხტა ზეზე და მოახსენა: წერეთელს ამოუღეს ჯიბიდანაო.  
 – რათ მოგიტანიაო?! – მკითხა მრისხანედ.  
 მე ენა ჩამივარდა, მაგრამ მასწავლებელმა მოახსენა: ახლავ გაიგებთო და მკითხა:  
 ეს რა არისო?  
 მჭადი-მეთქი, – ვუპასუხე კნავილით.  
 – რისგან კეთდება?  
 – სიმინდისაგან.  
 – როდის სთესენ სიმინდს? რანაირად იზრდება? როგორ მუშაობენ? როდის აკეთებენ მჭადს და სხვანი. ესენი ყველაფერი გამომკითხა და მეც პასუხს ვაძლევდი. რამდენიმე წუთს მკითხავდა და ბოლოს სთქვა: კარგიო! ხვალ წუ დაგავინწყდება ბრინჯის მოტანაო; ხვალ იმის შესახებ ვილაპარაკოთო. ინსპექტორმა იფიქრა: აქ სწორედ მასწავლებლის სურვილით მოუტანიათ მჭადიო, და გავიდა კლასიდან ხმაამოუღებლად. მასწავლებელმა მამბებლარი მონაფე გაიხმო და ჰკითხა: შენ არა გაქვს რა ჯიბეშიო? გაუსინჯა და **კოჭი** უნახა. – ეს რა არისო? ეს ხომ სათამაშოა, რომელიც კლასებში სრულიად გამოუსადეგარია და შენ კი ჯიბეში გიძევსო!.. წერეთელმა მჭადი მიტომ მოიტანა, რომ შიოდა და შეჭმა ველარ მოასწრო და შენ კი სათამაშოდ დაბრძანდები! კარგი, გაჩერდი მაგრე კლასის გამოსვლამდე! მე მაგ კოჭით წარგადგენ ინსპექტორთანო. იმ მონაფეს **ფერი ეცვალა** და ატირდა. კლასი რომ გათავდა, მიუბრუნდა მტირალს და უთხრა: კარგი, ახლა კი მიპატივებია, მაგრამ შემდეგ კი ფრთხილად იყავი: რაც შენთვის არ გინდა, იმას ნურც სხვას უზამო!

**სტოლი**  
 (რუსული) მაგიდა

**ოთხში ამოელო**  
 სასტიკი ცემა

**კოჭი**  
 ხის ან ძვლისგან დამზადებული პატარა სათამაშო კუბი ძველად **ფარი ეცვალა** შეშინდა, ცუდ გუნებაზე დადგა.

აკაკი წერეთელი  
 ნაწყვეტი წიგნიდან „ჩემი თავგადასავალი“



## ტექსტის შინაარსი

- როგორ სწავლობდნენ გიმნაზიაში ბავშვები კითხვას?
- შენი სიტყვებით აღწერე საკლასო ოთახი.
- რამდენ ხანს ანდომებდნენ მოსწავლეები კითხვის სწავლას?
- როგორ სჯიდნენ მოსწავლეს, რომელსაც კითხვა შეეშლებოდა?
- რა იყო „მარკა“? როგორ იყენებდნენ მას გიმნაზიაში?
- როგორ აიცილა აკაკიმ თავიდან როზგი?
- როგორ შეხვდნენ აკაკის მშობლები გიმნაზიიდან გამოქცევის ამბავს?
- რატომ იყენებდნენ გიმნაზიებში როზგს? რით ამართლებდნენ მასწავლებლები გიმნაზიაში როზგის გამოყენებას?
- აკაკი წერეთლის დაბადების თარიღის დახმარებით დაახლოებით გამოთვალე, როდის ხდება ნანარმოებში მოთხრობილი ამბავი.
- ვის მიმართა მასწავლებელმა სიტყვებით: რაც შენთვის არ გინდა, იმას სხვას ნუ უზამო? რით დაიმსახურა მოსწავლემ ეს სიტყვები?

## ტექსტის ენა

- 107-ე სტრიქონში მოძებნე სიტყვა „გადაამსკდა“ და კონტექსტის მიხედვით ახსენი მისი მნიშვნელობა.
  - ამოიწერე ტექსტიდან ფრაზა, რომელიც აღნიშნავს გაკვეთილის დამთავრებას. მიუთითე სტრიქონის ნომერი.
  - გადაიხაზე ცხრილი რვეულში და მარცხენა სვეტში მოყვანილი ფრაზები დააკავშირე მარჯვენა სვეტში მოთავსებულ მნიშვნელობებთან:
- |                   |                     |
|-------------------|---------------------|
| ფერი ეცვალა       | სასტიკად სცემა      |
| ოთხში ამოიღო      | შეშინდა             |
| ფეხად შეუსწრო     | შეუმჩნევლად გაიღიმა |
| ულვაშებში ჩაიცინა | ძლივს მიუსწრო       |
- მოძებნე ტექსტში სიტყვა, რომელიც მონაფეს ნიშნავს, მაგრამ დღეს ამ მნიშვნელობით აღარ გამოიყენება.
  - აკაკი წერეთელმა ეს წიგნი დაახლოებით ასი წლის წინ დაწერა. მას შემდეგ ზოგიერთი ქართული სიტყვის დანერილობა შეიცვალა. გარდა ამისა, ხშირად იყენებდა იმერულ დიალექტიზმებს. ქვემოთ მოყვანილია ასეთი სიტყვები. გადაიწერე რვეულში და გვერდით მიუწერე თანამედროვე დანერილობა: მომედვა; მეცხუნა; გადახარხარეს; მიტომ; მიპატივებია.
  - რას ნიშნავს გავცეცდი:
    - გავშეშდი
    - გავშტერდი
    - გამიხარდა
  - როგორ გესმის სიტყვათშეთანხმება „ქალაღდის ფიცრები“? რა ჰქვია დღეს მას?
  - რატომ არის ბრჭყალებში ჩასმული სიტყვები: მარკა, ლინეიკა, სტოროჟები.

## ტექსტის ანალიზი

- როგორ გესმის ანდაზა: „რაც შენთვის არ გინდა, იმას ნურც სხვას უზამო“?
- იმსჯელე აკაკისა და „ანგელოზის სახის მქონე“ ბიჭს შორის მომხდარ კონფლიქტზე. როგორ მოიქცა ბიჭი, აკაკი რომ დააბეზდა? შეეძლო ბიჭს სხვანაირად მოქცეულიყო? შენ როგორ მოიქცეოდი?
- ავტორის აზრით, როგორ მოქმედებდა „მარკა“ ბავშვებზე? ეთანხმები ავტორს? რატომ? შენი მოსაზრების დასამტკიცებლად მოიხმე მაგალითები თანამედროვე ცხოვრებიდან.
- მშობლებმა პატარა აკაკის ურჩიეს: „ნადი, რა ვუყოთ, გაგროზგონ, ეგ მარტო შენ თავზე ხომ არ არის – ყველას როზგავენო. მოითმინე, მოიჭირვე, მიეჩვიე და ბოლოს კაცი გამოხვალო; მაგათში უმისოდ არ შეიძლებაო!“ ეთანხმები მათ რჩევას? რატომ?
- იმსჯელე, რა თვისებებს ამჟღავნებს აკაკის მასწავლებელი ტროე.
- როგორ ფიქრობ, იმოქმედებდა თუ არა ბიჭზე სასიკეთოდ მასწავლებლის პატიება და შეგონება?



## დავალბები

1. დაწერე თხზულება: როგორ მოჰყავთ მჭადი.
  - იპოვე მასწავლებლის მიერ აკაკისთვის მჭადის მოყვანასთან დაკავშირებით დასმული კითხვები;
  - გაეცი კითხვებს პასუხები წერილობით;
  - ეცადე, ცალკეულ კითხვებზე გაცემული პასუხები ისე გააერთიანო, რომ თხრობა გამოგივიდეს.
2. დაწერე ამბავი სხვა რაკურსით: ცხელი მჭადის ეპიზოდი გადმოეცი მასწავლებლის პირით. იმსჯელე, რა შეიცვალა.
3. გააანალიზე წერილობით აკაკისა და ანგელოზისსახიან ბიჭს შორის მომხდარი კონფლიქტი; შეეცადე, პრობლემას შეხედო ორივე პერსონაჟის თვალით.

# თეორია

## ავტორი, მთხრობელი, პერსონაჟი

**ავტორს** უწოდებენ ადამიანს, რომელმაც შექმნა რაიმე სახის ნაწარმოები: რომანი, მოთხრობა, გამოკვლევა, სტატია და ა.შ. ავტორის სახელი წიგნის გარეკანზე წერია, ხოლო იმ შემთხვევაში, თუ ნაწარმოები კრებულშია შესული – ტექსტის თავში ან ბოლოში.

**მთხრობელი** არის პიროვნება, რომელიც ამბავს ჰყვება. იგი, შესაძლებელია, ამბის მონაწილე თავადაც იყოს. ამ შემთხვევაში თხრობა პირველ პირში მიმდინარეობს, ხოლო მთხრობელს მთხრობელ-პერსონაჟს უწოდებენ. ზოგჯერ არ ჩანს, ვინ არის მთხრობელი. ასეთ შემთხვევაში მას უჩინარი მთხრობელი ეწოდება.

**პერსონაჟი**, ანუ გმირი გამოგონილი ან რეალურად არსებული პიროვნებაა, რომელიც ამბავში მონაწილეობს. ნაწარმოებში გვხვდება მთავარი და მეორეხარისხოვანი პერსონაჟები. მთავარია პერსონაჟი, რომელიც უმნიშვნელოვანეს როლს ასრულებს მხატვრულ თხზულებაში. იგი ნაწარმოებში ასახული მოვლენების შუაგულში დგას და ხშირად წარმართავს კიდევ მოვლენების განვითარებას. მეორეხარისხოვანია პერსონაჟი, რომელიც არსებით ზეგავლენას ვერ ახდენს ნაწარმოებში ასახული მოვლენების განვითარებაზე.

## კითხვები და დავალბები

1. გაიხსენე ისეთი ნაწარმოები, რომელშიც ავტორი და მთხრობელი ერთი და იგივე პიროვნებაა.
2. შეიძლება თუ არა, რომ ნაწარმოებში პერსონაჟის სახელი არ იყოს მოხსენიებული?
3. შეიძლება თუ არა, რომ ნაწარმოების არც ერთი პერსონაჟი არ იყოს ადამიანი? შენ თუ ნაგიკითხავს ასეთი ნაწარმოები?

აღბათ გინახავს, როგორია სკოლები სოფლად და ქალაქად. იმჯერლე, განსხვავდება თუ არა ერთმანეთისგან სოფლისა და ქალაქის სკოლები? თუ განსხვავდება, რით?



რევაზ  
ინანიშვილი  
(1926-1991)  
ქართველი მწერალი.  
მრავალი მოთხრო-  
ბის გარდა დაწერი-  
ლი აქვს საბავშვო  
ნაწარმოებებიც.

**სამელნე**  
(ძველად) პატარა  
ჭურჭელი, რომელ-  
შიც ესხა მელანი,  
სპეციალური სითხე,  
რომელშიც ანებდ-  
ნენ კალამს და ისე  
წერდნენ  
**ღუღღუღება**  
წყნარად ენთო  
ცეცხლი  
**მოლაღური, ჯა-  
შარა**  
ერთგვარი ფრინ-  
ველები

## ჩემი ბავშვობის სკოლა

პატარობისას სოფელში ვსწავლობდი, ჩვენს სოფელში ორი სკო-  
ლა იყო – ზევითსკოლა და ქვევითსკოლა, ზევითსკოლა – დიდი,  
ქვევითსკოლა – პატარა. პატარა სკოლაში პატარები დავდიოდით.  
დილაადრიან, რვა საათზე, პირველ ზარს დარეკავდნენ. ამ  
5 ზარით გვატყობინებდნენ, აბა, ბავშვებო, მოემზადეთ და წამოდი-  
თო. ჩვენც, ბავშვები, ჩავანყობდით ჩანთაში წიგნებს და რვეულებს,  
ჩავუჭყუნავდით გვერდით ვაშლებსა და მსხლებს, დავიჭერდით  
**სამელნეს** ხელში და დავეშვებოდით თავქვემდევალ ორღობებში.  
სკოლა წისქვილის არხის პირას იდგა, შემალღებულზე. აქეთ სკო-  
10 ლა იდგა, იქით, ხევს გაღმა – დანგრეული ეკლესია. არხის ქვემოთ  
ვენახები და ივრის ქალა იყო, ივრის ქალის მერე – გრძლადგანო-  
ლილი უტყეო გორა. გორაზე ავტომობილები მიმოდიოდნენ.  
სკოლას სულ ოთხი ოთახი ჰქონდა, ოთხი კლასი. ერთი პა-  
15 ტარა ოთახიც იყო, სამასწავლებლო. იქ, ასე მახსოვს, ყოველთ-  
ვის სასიამოვნოდ **ღუღღუღებდა** ღუმელი. ჩვენი იქ შესვლა არ  
შეიძლებოდა. დაინყებოდა გაკვეთილი, ჩამოვარდებოდა სიჩუმე  
– დავშოშმინდებოდით, დავწყნარდებოდით ბავშვები, ვისხედით  
და ბარტყების თვალებით შევყურებდით მასწავლებელს, მაგრამ  
20 ბუზის გაფრენას გაიგონებდითო, ასეთი სიჩუმე არასოდეს არ იყო.  
გარედან ყოველთვის სხვადასხვანაირი ხმები შემოდიოდა, გაზაფ-  
ხულზე, მაისში, არხის პირას გაყოლებულ კაკლებზე **მოლაღურე-  
ბი** გადასძახოდნენ ერთმანეთს, შემოდგომაზე – **ჯაფარები**, ზამ-  
თრის პირას და ზამთარში ყვავები, დაალებდნენ ყვავები პირს და  
იყო ერთი – ყვავა, ყვავა, ყვავა! ფანჯრებიდან ისიც მოჩანდა, როგორ  
25 ანაცვლებდნენ ის ყვავები კენწეროებზე ფეხებს.  
გაზაფხულზევე, მაისში, მერე სექტემბერშიც, დაირეკებოდა  
თუ არა დიდი შესვენების ზარი, მაგარი ბიჭები საბანაოდ ჩარბოდ-  
ნენ არხზე. მასწავლებლები წყრებოდნენ, ამიტომ ბიჭები ზემოთ  
ადიოდნენ და იქ ეშვებოდნენ თავდაყირა წყალში. ვისაც მასწავ-  
30 ლებლები შეატყობდნენ, უბანავნიაო, გაკვეთილს ჰკითხავდნენ და  
ორიანებს უწერდნენ. მაგარი ბიჭები მაინც თავისას არ იშლიდნენ,  
ისინი დღესაც კარგად მახსოვს: ჯაბალა, ბაბაჯანა, პროკონა, ქმუ-  
ვა... ერთიც იყო, ერთი ყველაზე მაგარი ბიჭი – ლაჭუნა. ვნახავდით  
და ამ ლაჭუნას გამოავადებდნენ გაკვეთილიდან. ის კიდევ – წა-  
35 ვიდოდა, გაჩერდებოდა შემალღებულზე, ისე, რომ ფანჯრებიდან  
კარგად დაენახათ ბავშვებს, იდგა და ალაჭუნებდა ყბებს, რა ედო,  
არ ვიცი, აქლემივით კი ააქაფებდა ხოლმე პირს. გამოუდგებოდა  
სკოლის დარაჯი ტაკვია იოსება სახრით, მაგრამ ვერასოდეს ვერ  
ენეოდა. თებერვალსა და მარტში ვენახებიდან გრძელი სიმღერე-  
40 ბის ხმაც მოდიოდა. წინათ, ჩემს პატარაობას, ხშირად მღეროდ-